

Newspaper

Berita Harian

Date

22 February 2016

40 TAHUN MENABUR BAKTI KEPADA RAKYAT

# 'Nostalgia penuh bermakna'

BH-22/2/2016

» Pencapaian  
Najib jadi  
kebanggaan  
rakyat Pahang

Oleh Abdul Razak Raiff  
dan Amin Ridzuan Ishak  
bhnews@bh.com.my

► Pekan

**P**encapaian Datuk Seri Najib Razak yang semalam genap 40 tahun terabit dalam politik tanah air sehingga menjadi Perdana Menteri membanggakan rakyat Pahang.

Mengucapkan tahniah di atas pencapaian itu, Tengku Mahkota Pahang, Tengku Abdullah Sultan Ahmad Shah bertitah ia adalah satu nostalgia yang memberi maksud yang besar dalam konteks pembangunan negara.

## PM berpengalaman

"Bagi saya itu adalah satu nostalgia yang mempunyai besar maknanya, 40 tahun lalu saya dan dia tiada rambut putih, tetapi hari ini kita nampak seluruh rambut dan keningnya *total white* (semua putih), ia menunjukkan banyak pengalaman dilaluinya.

"Namun, kita harus rasa bangga dengan pencapaian dilaksanakan Yang Amat Berhormat Perdana Menteri, satu ketika menjadi Ahli Parlimen dan kemudiannya Ahli Dewan Undangan Negeri (ADUN) terus jadi Menteri Besar, kemudian jadi menteri di peringkat Pusat dan sekarang jadi Per-



Najib menyaksikan pertukaran dokumen MoU di antara Profesor Dr Daing Nasir (kiri) dan Abdul Jalil selepas merasmikan kampus utama UMP di Pekan, semalam. (FOTO FARIZUL HAFIZ AWANG/BH)

dana Menteri berasal dari Pahang di kawasan Parlimen Pekan," katanya sebelum merasmikan Universiti Automotif Malaysia DRB-HICOM (DHU) mewakili Sultan Pahang, Sultan Ahmad Shah di sini, semalam.

Yang turut hadir, Najib, isterinya, Datin Seri Rosmah Mansor, Menteri Besar Pahang, Datuk Seri Adnan Yaakob, Menteri Pendidikan Tinggi, Datuk Seri Idris Jusoh dan Pengarah Urusan Kumpulan DRB HICOM Bhd, Tan Sri Mohd Khamil Jamil.

Tanggal 21 Februari 2016 menjadi detik bersejarah kepada Najib kerana menanda-

kan genap 40 tahun pembabitkan anak sulung Allahyarham Tun Abdul Razak Hussein dan Tun Rahah Muhammad Noah dalam arena politik.

Pada majlis itu, Tengku Abdullah dimasyhurkan sebagai Canselor DHU pertama yang sebelum ini dikenali sebagai Kolej Automotif Antarabangsa (ICAM) milik penuh DRB HICOM pada majlis berkenaan.

Sementara itu, Mohd Khamil berkata, pembangunan DHU bagi fasa pertama membabitkan pembinaan pusat pembelajaran, fakulti kejuruteraan, fakulti perniagaan dan perkampungan pelajar

yang mampu memuatkan seramai 2,400 orang.

"Bagi fasa kedua pembangunan, kami berhasrat membina sebuah lagi blok fakulti kejuruteraan, pusat penyelidikan dan pembangunan serta perumahan baharu untuk pelajar, pensyarah, kakitangan dan pengurusan kanan.

"Berdasarkan keperluan, kami juga bercadang melaksanakan pembangunan fasa ketiga iaitu pembinaan pusat untuk latihan praktikal serta kemudahan bilik pameran, ia dijangka membabitkan kawasan seluas antara 12 hingga 16 hektar," katanya.